

16-may
2024-yil 20 (1070)



АХСХР




IJTIMOIY-
SIYOSIY
GAZETASI

GAZETA 2004-YIL 1-YANVARDAN CHOP ETILA BOSHLAGAN © 21asr.uz © XXI_asr@mail.ru @XXIasr_yangiliklari XXIasrgazetasi asr_xabarlar_news

/// ХАЛҚАРО ҲАМКОРЛИК

ЧИН ЮРТИДАГИ САМАРАЛИ МУЛОҚОТЛАР



O'zLiDeP нинг

ИСТИҚБОЛЛИ
ЛОЙИХАСИ



“ИШБИЛАРМОН АЁЛ – 2024”
КЎРИК-ТАНЛОВИНИНГ МАҲАЛЛАЛАР
КЕСИМИДАГИ САРАЛАШ БОСҚИЧИ
МАМЛАКАТИМИЗ БЎЙЛАБ ҚИЗГИН
ПАЛЛАГА КИРДИ

/// ЭЪТИРОФ

ОЛТИН ҚАЛАМ МУБОРАК БЎЛСИН!

“Ўзбекистон” халқаро анжуманлар саройида бундан 18 йил аввал журналистика соҳасида таъсис этилган “Олтин қалам” миллий мукофоти учун халқаро танлов ғолиб ва совриндорларини тақдирлаш маросими тантанали равишда ўтказилди. Ушбу нуфузли танловнинг босма ОАВ йўналиши (“Энг яхши журналистик материал учун” номинацияси) бўйича Ўзбекистон Либерал-демократик партияси нашри – “XXI asr” ижтимоий-сиёсий газетаси бош муҳаррири, Ўзбекистонда хизмат кўрсатган журналист Норқобил Жалилов фахрли учинчи ўринга лойиқ деб топилди.

Шуни алоҳида эътироф этмоқчимизки, ўз касбининг фидойиси деса арзийдиган Норқобил Жалилов мамлакат ОАВ вакиллари орасида ушбу миллий мукофот билан икки қарра тақдирланган ягона журналистдир. У илк марта 2006 йили телевидение орқали намойиш этилган энг оммабоп, халқчил “Яхшилик” туркумидаги кўрсатувлари учун биринчи ўринни эгаллаб, “Олтин қалам” соҳиби бўлганди.

O'zLiDeP ахборот хизмати



Ҳалима ХУДОЙБЕРДИЕВА:

**БУ КУНЛАРГА ЕТГАНЛАР БОР,
ЕТМАГАНЛАР БОР...**

Ютдиргану ютганимиз нимага арзир,
Ўтмагану ўтганимиз нимага арзир.
“Бошин олиб бир сориға” кетганда Бобур
Сизу бизнинг кетганимиз нимага арзир?!

6



Глоблалашув жараёнлари турли даражадаги интеграция, жумладан, партияларaro ҳамкорлик ривожига ҳам сезиларли туртки бермоқда. Табиийки, O'zLiDeP ҳам ўз дастурий ҳужжатларида партияларaro ҳамкорликни ривожлантиришга алоҳида эътибор қаратилганидан келиб чиққан ҳолда, халқаро алоқаларни кучайтиришга жиддий ёндашмоқда. Бу борада иқтисодиёт ва бизнесни ривожлантиришнинг самарали тизимини яратган ХХР билан йўлга қўйилган муносабатлар ажралиб туради, албатта.

Ҳозирда Ўзбекистон ва Хитой ўртасидаги сиёсий мулоқотлар ўз тарихидаги энг яхши даврни бошдан кечирмоқда. Буларнинг барчаси Шавкат Мирзиёев ва Си Цзиньпин ўртасидаги дўстлик, шунингдек, давлат раҳбарлари иштирокидаги мунтазам мулоқотлар ўзаро ишонч пойдеворида қурилгани натижасидир.

Жорий йилнинг январь ойида қабул қилинган тарихий ҳужжат — Ўзбекистон-Хитой муносабатларини барча шароитларда ҳар томонлама стратегик шериклик даражасига олиб чиқадиган давлат раҳбарларининг Қўшма баёнотини алоҳида таъкидлаш жоиз. Бунга O'zLiDeP ва ХКП ўртасидаги партияларaro ҳамкорликни кенгайтиришга қаратилган саъй-ҳаракатлар ҳам муносиб ҳисса қўшади.

Шу тариқа партия курилиши, жамият ва давлат бошқаруви соҳасида ўзаро тажриба алмашиши янада фаоллаштириш мақсадида ХКП марказий кўмита-



ЧИН ЮРТИДАГИ САМАРАЛИ МУЛОҚОТЛАР

O'zLiDeP ДЕЛЕГАЦИЯСИ ХИТОЙ КОММУНИСТИК ПАРТИЯСИ (ХКП) МАРКАЗИЙ КЎМИТАСИНING ТАКЛИФИГА БИНОАН УШБУ МАМЛАКАТГА САФАР ҚИЛИБ, ҚАТОР УЧРАШУВ ВА МУЗОКАРАЛАР ЎТКАЗДИ

сининг таклифига биноан Тадбиркорлар ва ишбилармонлар ҳаракати — Ўзбекистон Либерал-демократик партияси раиси, Олий Мажлис Қонунчилик палатаси Спикери ўринбосари Ақтам Хаитов бошчилигидаги делегация ушбу мамлакатда бўлди. Меҳмонлар таркибига партия Сиёсий Кенгаши Ижроия кўмитаси масъул ходимлари, ҳудудий кенгашлар раҳбарлари ҳам киритилгани унинг салмоғини сезиларли равишда оширди.

Учрашувлар чоғида партиявий ўқувларни ташкил этиш, электорат билан ишлаш, партиявий кадриятларни тарғиб қилиш, рақамли технологияларни жорий этиш каби долзарб масалалар кун тартибидан ўрин олди. Хусусан, делегация раҳбари ва аъзолари 9 май кунги Тяньцзин шаҳрида ХКП шаҳар кўмитаси котиби Чэнь Миньэр, шаҳар халқ қурултойи йўғилиши доимий комиссияси раиси Юй Юньлинь, шаҳар маъмурияти раҳбарлари Ван Лицзюнь ва Чжан Линь билан музокара ўтказди.

Чэнь Майнер ва Юй Юньлинь ХКП шаҳар кўмитаси, шаҳар халқ қурултойи йўғилиши доимий кўмитаси ва шаҳар маъмурияти номидан O'zLiDeP делегациясини Тяньцзин шаҳрида кўришдан мамнуният изҳор қилишди.

Хитой томони меҳмонларни Тяньцзиндаги муниципалитет даражасида ХКП фаолияти билан таништирди. Мулоқот давомида таъкидланганидек, ХКПнинг ҳудудий бўлиналари халқ манфаатларига йўналтирилган тараққиёт ғоясига содиқлик, бошланғич партия ташкилотларининг сиёсий-ташқиллий функцияларини кучайтириш, барча миллат вакиллари билан бирлаштириш ва уларга етакчилик қилишга алоҳида эътибор қаратмоқда.

Хитой модели бўйича модернизациянинг стратегик йўналиши сифатида, биринчи навбатда, Си Цзиньпиннинг Тяньцзинга таширлари чоғидаги нутқлари намён бўлади. Хусусан, уларда шаҳарнинг жуғрофий жойлашуви, портлар, sanoat, фан, таълим ва бошқа соҳаларнинг афзалликларидан тўлиқ фойдаланган ҳолда стратегик мақсад сифатида Пекин – Тяньцзинь – Хэбэй йўналиши бўйлаб мувофиқлаштирилган ривожланиши рағбатлан-

тиришга тааллуқли масалаларга урғу берилгани диққатга сазовордир.

Ўз навбатида, А.Хаитов мезбонларга самимий таклиф учун миннатдорлик билдириб, O'zLiDePнинг жорий ҳолати ва стратегик йўналишларига тўхталди. Шунингдек, Ўзбекистон ва Хитой давлатларaro ҳамкорлигини Ўзбекистон Республикаси Президенти Шавкат Мирзиёев ва Хитой Халқ Республикаси Раиси Си Цзиньпин ўртасидаги ишончли муносабатларга асосланиб, партияларaro ҳамкорликни янада ривожлантиришдан манфаатдор эканини алоҳида таъкидлади. O'zLiDeP вакиллари Хитойнинг турли соҳалардаги муваффақиятли тажрибасини, шунингдек, ХКП партиявий курилиш усулларини пухта ўрганиш ниятида эканини қайд этди.

Кўтаринки ва конструктив руҳда ўтган учрашув якунида томонлар Ўзбекистон ва Хитой ўртасидаги минтақаларaro алоқаларни кучайтириш, иқтисодиёт ва савдо, фан ва таълим, қишлоқ хўжалиги, маданият ва туризм соҳаларида амалий ҳамкорликни янада мустаҳкамлашга тайёрликлари ҳақида яқдид тўхтамга келишди.

Орадан бир кун ўтиб, Пекин шаҳрида O'zLiDeP Сиёсий Кенгаши Ижроия кўмитаси раиси Ақтам Хаитов бошчилигидаги делегация вакиллари ХКП марказий кўмитаси халқаро бўлим мудири Лю Цзяньчао билан учрашув ўтказди.

Партияимиз етакчиси нуктаи назарича, Хитой билан кўп қиррали муносабатларни ривожлантириш Ўзбекистон ташқи сиёсатининг устувор йўналишларидан бири бўлиб келган ва шундай бўлиб қолади. Буларнинг барчаси икки мамлакат раҳбарлари иштирокидаги доимий саммитларнинг бекиёс самарасидир.

Сўнгги йилларда ўзаро товар айирбошлаш ҳажми икки баробар ошиб, 2023 йилда 14 миллиард долларлик рекорд даражага етди. Хитой капитали киритилган корхоналар сони уч баробар кўпайди. Келгуси йилларда бу кўрсаткични, жумладан, қишлоқ хўжалиги ва sanoat махсулотларини ўзаро етказиб бериш, савдонини кенгайтириш ҳисобига 20 миллиардга етказиш имкониятлари мавжуд.

Қизгин мулоқотларда O'zLiDeP мутасаддилари

Ўзбекистон ва Хитой дўстлигини мустаҳкамлашда халқ, парламентларaro ва партияларaro дипломатияга катта аҳамият қаратилаётганини маълум қилишди. Жумладан, ХКП билан партияларaro ҳамкорлик янада фаоллашгани бежиз эмас. “Бир макон, бир йўл” лойиҳаси доирасидаги ишларни изчил амалга оширишда сиёсий партияларнинг иштирокини янада кучайтириш эътиборга лойиқдир. Партия курилиши жараёнлари, хусусан, кадрлар тайёрлаш, тарғибот-ташвиқот ишлари, электорат билан ишлаш ва ҳоказолар бўйича тажриба алмашиш масалалари ҳам муҳим йўналишлар қаторига киради.

Ўз навбатида, Лю Цзяньчао Хитой ва Ўзбекистон яхши шерик ва дўстлар экани, “win - win” тамойилларига асосланган ўзаро манфаатли алоқаларга эга эканини таъкидлади. Бу Хитой ва Ўзбекистонга синергия эффектига эришиш, яъни ҳар бир муваффақиятга чин дилдан қизиқиш билдириш ва максимал саъй-ҳаракатлар туфайли ғалабалар сонини ошириш имконини беради.

Хитой Халқ Республикаси Раиси Си Цзиньпин ва Ўзбекистон Президенти Шавкат Мирзиёевнинг стратегик раҳбарлиги ва бевосита кўмагида давлатларaro муносабатлар турли соҳаларда сифат жиҳатидан жадал юксалиш ва модернизация, ўзаро сиёсий ишонч ва самарали ҳамкорликни чуқурлаштиришнинг “олтин даври”га қадам қўйганидан далолат.

Лю Цзяньчао, шунингдек, ХКП ва O'zLiDeP ўртасида алоқалар ўрнатилганидан буён томонлар қўшма тадбирларда иштирок этишни қўллаб-қувватлаётганига урғу бериб ўтди. ХКП ўзаро манфаатли масалалар бўйича келишувларга эришиш, давлат раҳбарларининг қўшма қарорларини амалиётга татбиқ этиш, партия курилиши соҳасида тажриба алмашиши кенгайтириш учун O'zLiDeP билан ҳамкорликни давом эттиришдан манфаатдорлиги ва бу жараёнга ҳар жиҳатдан тайёрлигини билдирди.

Сафар давомида парламентларaro ҳамкорлик масалалари ҳам сафар кун тартибидан ўрин олди. Зеро, парламентнинг қуйи палатасидаги O'zLiDeP фракцияси раҳбари Ақтам Хаитов Бутунхитой халқ вакиллари кенгаши доимий кўмитаси раисининг ўринбосари Ван Дунмин билан учрашгани ҳам бежиз эмас.

Мазкур мулоқотда сўнгги йилларда икки давлат раҳбарларининг сиёсий иродаси, мунтазам учрашувлари туфайли Ўзбекистон-Хитой ҳамкорлиги кенг кўламли аҳамият касб этиб, стратегик шериклик даражасига кўтарилгани эътироф этилди.

Учрашувда Ўзбекистон Республикаси Президенти Шавкат Мирзиёевнинг 2024 йил январь ойида Хитой Халқ Республикасига давлат таширфи ҳар томонлама мазмунли ва самарали кенгани, мамлакатларимиз ва халқларимиз учун манфаатли келишувларга эришилгани тилга олинди. Икки томонлама стратегик шериклик муносабатларини янги bosқичга кўтаришга қаратилган Қўшма баёнот ҳамда бошқа қатор муҳим ҳужжатлар қабул қилингани барча соҳалардаги алоқаларни жадал ривожлантиришга хизмат қилаётгани қайд этилди.

Кези келганда, Ван Дунмин Президент Шавкат Мирзиёев раҳбарлигида Ўзбекистон ўз тараққиётида янги bosқичга чиқаётгани, очик ва конструктив ташқи сиёсат олиб борилаётганини юқори баҳолади. Шунингдек, мамлакатларимиз

ўртасидаги алоқаларни янада ривожлантиришда муҳим омил бўлган парламентларaro мулоқотларни кўпайтириш ҳар томонлама фойдали эканини таъкидлади.

Бугунги ҳаётимизни рақамли технологияларсиз тасаввур қилиш қийин. Тўғрироғи, бирор соҳа йўқки, унга рақамли технологиялар кириб бормаган бўлса! Хусусан, партия курилиши ва фракция фаолияти ҳам бундан мустасно эмас.




Олий Мажлис Қонунчилик палатаси Спикери ўринбосари, O'zLiDeP раҳбари Ақтам Хаитов бошчилигидаги делегация аъзоларининг Хитой коммунистик партияси марказий кўмитасининг Тарғибот бўлими бошлиғи ўринбосари Ван Ган билан учрашувида айна жиҳат муҳокамалар марказида бўлди.

Мулоқотда партия ғоя ва мақсадлари ҳақида кенг жамоатчиликка ахборот тарқатиш, оммавий ахборот воситалари билан ҳамкорлик алоқаларини мустаҳкамлаш, инновацион технологиялар асосида тарғибот ишларини амалга ошириш ҳамда ижтимоий тармоқлар имкониятларидан самарали фойдаланиш юзасидан фикр-мулоҳаза юритилди.

Тарғибот дастурлари ва тадбирларини ишлаб чиқиш, уларнинг самарали бажарилишини назорат қилиш, профессионал тарғиботчиларни тайёрлаш, соҳага рақамли технологияларни кенг жорий қилишда ўзаро тажриба алмашиш масалаларига алоҳида эътибор қаратилди.

Делегация аъзолари Пекин шаҳрининг Чаоян туманидаги Наньмофан қишлоғида бўлиб, партия қуйи бўғини – бошланғич ташкилоти фаолияти билан бевосита танишишди. Партия фаоллари билан мулоқот чоғида электорат билан ишлаш, сайловчилар муаммоларини ўрганиш, қонунларга таклифлар бериш масалалари муҳокама қилиниб, ушбу йўналишда ҳам ҳамкорлик ўрнатишга келишиб олинди.



O'ZLIDeP ВА AMANAT ВАКИЛЛАРИ МУЛОҚОТИ



Ўзбекистон ва Қозоғистон умумий тарихий мерос, маданий ҳамда маънавий қадриятлар билан боғланган. Шунингдек, халқаро муносабатларда яқин ва ишончли шериклар сифатида давлатлараро ҳамкорликнинг барча йўналишлари буйича салмоқли ютуқларга эришмоқда. Бу жиҳат икки мамлакатнинг етакчи сиёсий кучлари мисолида ҳам яққол намоён бўлади. Айниқса, O'zLiDeP ҳамда "Amanat" ҳамкорлиги Ўзбекистон ва Қозоғистон ўртасидаги ташқи сиёсий алоқаларни муайян партиявий мазмун билан тўлдирётгани диққатга сазовор.

Жорий йилнинг 15 май кунини "Amanat" партияси котиби Ш.Каринова, Ақтобе минтақавий университети ректори Л.Карабасова билан O'zLiDeP Сиёсий Кенгаши Ижроия қўмитаси раисининг аёллар масалалари бўйича ўринбосари М.Хўжаева ва Олий Мажлис Қонунчилик палатаси депутаты Г.Худоярова ўртасида учрашув бўлиб ўтгани ҳам ана уша ҳамкорликнинг яна бир қиррасини намоён этди.

Учрашувда қозоғистонлик вакиллари O'zLiDePнинг асосий ғоялари, бугунги фаолияти ва "Аёллар қаноти" дастурий вазифаларининг

амалга татбиқ этилиши, шунингдек, партия қурилишининг истиқболли йўналишлари билан танишдилар.

Мулоқот давомида Ўзбекистонда хотин-қизлар масалалари давлат сиёсати даражасида экани алоҳида қайд этилди. Шу билан бирга, сўнгги йилларда бу борада эришилган ютуқлар нафақат халқимиз, балки жаҳон ҳамжамияти, нуфузли халқаро ташкилотлар томонидан эътироф этилмоқда. Ҳозирги кунда O'zLiDeP "Аёллар қаноти" томонидан "Ўзбекистон – 2030" стратегияси ва партия дастури доирасида 20 га яқин лойиҳа амалга оширилмоқда.

Ўз навбатида, "Amanat" вакиллари партиянинг ҳозирги кундаги фаолияти, Самарқандда бўлиб ўтган "Аёлларнинг иқтисодий, ижтимоий ва сиёсий ҳуқуқ ва имкониятлари" мавзусидаги илк Осий Хотин-қизлари форумидаги иштироки ҳақида сўзлаб бердилар.

Томонлар ушбу учрашув O'zLiDeP ва "Amanat" ўртасидаги партиялараро дўстона муносабатларни ривожлантириш йўлида навбатдаги қадам бўлди, деган яқдил фикрга келдилар.

O'zLiDeP матбуот хизмати

/// "O'zLiDeP ДЕПУТАТИМАН"

ДЕПУТАТ УЗОҚОВ

УЗОҚНИ КЎЗЛАЁТГАНИ РОСТМИ?



...Арслон ака аслида филолог, муаллим. Мактабда беш йилча ўз ихтисослиги бўйича сабоқ берган. Кейин Шаҳрисабз Тиббиёт коллежиди ўқитувчи, директор ўринбосари бўлиб ишлаган. 1-касб-хўна марказига қўйилган раҳбар ишни эплай олмагач, уни синов тариқасида раҳбар вазифасини бажарувчи этиб тайинлашгани ўшанда. Мана, орадан ўн йил ўтгидики, шу даргоҳ унга қадрдон бўлиб қолди. Билим масканида 734 нафар ўқувчига автомобилларга техник хизмат кўрсатиш, тракторчи-машинист, тикувчилик, компютер технологиялари йўналишлари бўйича касб-хўна ўргатилади. Ташкилотчи раҳбар ёшларга тадбиркорлик сирларини ўргатиш борасида амалий ишлар билан машғул. Мактаб ҳовлисида дуб, каштан ёнғоқлари нишлатиб, экилиб, кўчат етиштирилади. 200 бош парранда парварниш қилинмоқда. Бу ишлар ўқувчилар томонидан бажарилади. Қилинган даромад мактабда тадбирлар ташкил этиш, аълочи ва жамоатчи ёшларни рағбатлантириш каби хайрли ишларга сарфланади.

Философия билан кишлоқларда томорқа ерларидан самарали фойдаланиш, иссиқхона ҳўжалиklarини кўпайтириш, парранда, чорва моллари боқилиши йўлга қўйишга амалий ёрдам берилади. Ишсиз оилаларни тадбиркорликка йўналтириш, уларга банклардан кредит олишда кўмаклашиш, артезиан қудуқларини қазिश, хўнаманчиликни ривожлантириш борасидаги ишларнинг самараси туфайли кишлоқларда ашайтган аҳолининг бандлиги ва фаровонлиги кун сайин ортиб бораётди.

– Биласиз, Шаҳрисабз тумани, асосан, боғдорчилик, қишлоқ ҳўжалик экинлари етиштиришга ихтисослашган, – дейди Арслон Узоқов. – Ерларимиз олтинга тенг, оқова сув бисёр. Сидқидилдан меҳнат қилинса, томорқадан бемалол уч мартагача ҳосил олиш мумкин. Биз иккони борица тадбиркор оила, томорқачиларни ҳам моддий, ҳам маънавий қўллаб-қувватляяпти. Хонтепа қишлоғида иссиқхоначилик тез ривожланыпти. Янгиқишлоқлик Зоҳид Давронов хонадониде папаязор ташкил этиб, тайёр маҳсулотни фарғоналик тадбиркорларга етказиб берапти. Карам етиштиришда оқдарёликларга тенг келиш қийин. Улар йил давомида карам маҳсулотини бозорга чиқаришади. Ушлаб оилаларда етиштирилётган биоғумус маҳсулотини Бухоро, Сурхондарё вилоятлари, воҳамизнинг чўл ҳудудларида фаолият олиб бораётган иссиқхоначилар харид қилишапти. Депутатлик гуруҳимиз аъзолари томонидан мевачилик ва узумчиликда инновацияни жорий этиш юзасидан амалий таклифлар билдирилди. Бизда боғлар, узумзорлар бисёр. Аммо етиштирилётган узум ва мева маҳсулотлари жаҳон стан-

дартларига жавоб бермайди. Шу боис хорихдан тезпишар, пакана ва ярим пакана дарахт кўчатлари, винобоб узум кўчатлари келтириб, боғларни янгилаш ташаббуси билан майдонга чикдик. Амалий ишлар бошланган. Боғу узумзорларни янгилай олсак, сифатли экспортбоп маҳсулотлар етиштириш имкони пайдо бўлади. Чунки саҳий кўеш нури остида, серурум заминимизда етиштирилётган узум ва мева маҳсулотлари жаҳон бозорига хариддор-гир бўлишига ишонаман.

Азалдан Шаҳрисабзнинг гўзал табиати меҳмонларни ўзига мафтун этиб келади. Туман аҳолиси боғ яратишни эзгу аънамага айлантиришган. Яхши ният билан экилган ниҳоллар яшилликка бурканиб, чор-атрофга гўзаллик бахш этибгина қолмасдан ҳавонинг мусоффолигини таъминлайди. Шириндан-шакар мевалари эса аҳоли дастурхонини беэмомоқда. "Яшил макон" умуммиллий лойиҳасида фаол иштирок этилик" шиори остида ўтказилган акция доирасида депутатларимиз ва партияимиз аъзолари уюшқоқлик билан иштирок этишди. Мазкур лойиҳа доирасида туманимизда 500 минг тулға яқин мевали ва манзарали дарахт кўчатлари экилди. Кўчат экиш ишлари барча қорона, ташкилот ва муассаса ҳамда маҳаллаларда жадаллик билан олиб борилди. Депутатларимиз ўзлари улғайган қишлоғи, маҳалласи, таълим олган билим маскани ҳудудига умид билан ниҳоллар экиб, кам таъминланган оилаларга кўчатлар тўхфа этиш орқали бошқаларга ибрат бўлишди.

Арслон Узоқов ишчи гуруҳ раҳбари сифатида туман мактабларида бўлиб, таълим сифати, ўқувчиларнинг жамоат ишларида иштироки, ўқитувчиларнинг педагогик маҳорати, билим масканларидаги шароитни ўрганади. Депутат билан жонли мулоқот давомида ёшларга "Ўзбекистон – 2030" стратегияси ихтисосини таъминлаш, партиянинг дастурий максад ва вазифалари, халқ депутатлари туман кенгашидаги O'zLiDeP депутатлик гуруҳи томонидан амалга оширилётган ишлар, депутатлик мақоми, ёшларнинг ижтимоий-сиёсий фаоллигини ошириш, сиёсий билимларини шакллантириш, бандлигини таъминлаш борасида амалиётга татбиқ этилётган партиявий лойиҳалар ҳақида батафсил маълумот бермоқда.

Президентимиз ташаббуси билан "Янги Ўзбекистон – мактаб остонасидан бошланади", деган эзгу ғоя асосида мактабларга таълим-тарбия ва маънавият борасида янги муҳит олиб кириш, ўқитувчилар малакасини ошириш, уларга муносиб шароит яратиш борасида улғувор ишлар қилинаётганини таъкидлар экан, халқ сайлаган ноиб

қуйинчаллик билан ўзини қийнаётган муаммолардан бири ҳақида шундай ҳикоя қилади:

– Яна бир ташвишли ҳолатни сизга айтишим: баъзан мактаб кутубхоналарига кириб, китобхон ўқитувчи ва ўқувчилар рўйхатини кўздан кечираман. Ишонасизми, ўқувчиларни қўверинг, бирор директор, ўринбосарлари, ўқитувчилар исми-фамилиясини китоб олганлар орасида учратмадим. Энг ачинарлиси, ҳатто она тили ва адабиёти фани ўқитувчилари ҳам кейинги пайтларда газета-журналларни қўверинг, китоб ҳам ўқимай қўйдилар. Лекин қўлда сўнгги русумдаги телефон...

Наҳот, бугун шу даражага етиб келган бўлсақ? Давлат раҳбари қачон бирор ҳудудга ташриф буюрсалар ёки жиддий муаммолар юзасидан ўтказиладиган селектор йиғилишларида ҳам билим, таълим-тарбия, ёшларга эътибор бериш ҳақида қайта-қайта тўхталади. Бу бежиз эмас. Шундай экан, мен ҳозир келтирилган ноҳуш манзаралар, ҳаётий мисоллар ҳаммамизни ташвишга солиши керак эмасми? Ўқитувчи китобхончида ўқувчига ўрнак бўлмас экан, аҳвол ўзгармайди. Ёки айрим маҳалла раислари ота-оналар билан бирга мактаблар фаолиятига мутлақо бепарқлигини ҳам айтмоқчиман.

Арслон Узоқов O'zLiDeP Шаҳрисабз туман кенгаши раиси сифатида ҳам барчага ўрнак. Туманда 40 та бошланғич партия ташкилоти бўлиб, 6 787 нафар партия аъзосини қамраб олган. Баъзан айрим туманлардаги тарғибот тадбирлари жараёнида раисларни ҳам ишлаб топил мушуқул. Улар ҳамон ҳокимликлар йўриғидан чиқолмаётгани ачинарли. Лекин бугунги қарамонимиз жамоатчилик асосида раис бўлса-да, зиммасига юклатилган ҳар бир вазифани сидқидилдан бажаради.

Оддий мисол: сайловолди тарғибот жараёнида, изғирин совуқда, ишини ташлаб, катта машинага тарғибот воситаларини юклаб, тоғолди маҳаллаларида ҳафталаб бирга юрганнимизда унинг фидойилигига тан берганман. Вилоят кенгашида ўтказиладиган йиғилиш ёки ўқувларда иштирок этиш учун, албатта, имкон топади. Ҳар қандай сиёсий куч халқнинг ишончини депутатларнинг амалий ишлари орқалигина қозона олади. Шу маънода, партияимиз корпусида ана шундай ташкилотчи раҳбар, жонкуяр раис, бир сўз билан айтганда, тили ва дили бир, ҳаммаи виждони уйғоқ депутатлар сафи кенгаверишини истаимиз.

Сайфулла ИКРОМОВ, "XXI asr" муҳбири

